



文選卷第三十一

梁昭明太子蕭統撰

雜擬下

倣曹子建樂府白馬篇 袁陽源

劍騎何翩翩長安五陵間秦地天下樞八方湊
才賢荆魏多壯士宛洛富少年意氣深自負肯
事郡邑權藉藉關外來車徒傾國鄜五侯競書
幣群公亟爲言義分明在霜信行直如弦交歡
池陽下留宴汾陰西一朝許人諾何能坐相捐

影節去函谷投珮出甘泉嗟此務遠圖心爲四海懸但榮身意遂豈校耳目前俠烈良有聞古來共知然

做古

評此倦遊士本家自遼東昔隸李將軍十載事西戎結車高闕下極望見雲中四面各千里從橫起巖風寒燠豈如節霜雨多異同夕寐北河陰夢還甘泉宮勤役未云已壯年徒爲空迺知古時人所以悲轉蓬

擬古二首

劉休玄

擬行行重行行

眇眇陵長道遙遙行遠之回車背京里揮手從此辭堂上流塵生庭中綠草滋寒蜚翔水曲秋兔依山基芳年有華月佳人無還期日夕涼風起對酒長相思悲發江南調憂委子衿詩卧覺明燈晦坐見輕紈緇澹容不可飾幽鏡難復治願垂薄暮景照妾桑榆時

擬明月何皎皎

落宿半遙城浮雲謁層闕
玉宇來清風羅帳延
秋月結思想伊人沈憂懷
明發誰爲客行久屢
見流芳歇河廣川無梁山
高路難越

和琅邪王依古

王僧達

少年好馳俠旅宦遊關源
旣踐終古跡聊訊興
亡言隆周爲藪澤皇漢成
山樊久沒離宮地安
識壽陵園仲秋邊風起孤
蓬卷霜根白日無精
景黃沙千里昏顯軌莫殊
轍幽塗豈異魂聖賢
良已矣抱命復何怨

擬古三首

鮑明遠

幽并重騎射少年好馳逐
氈帶佩雙鞬象弧插
彫服獸肥春草短飛鞞越
平陸朝遊鴈門上暮
還樓煩宿石梁有餘勁驚
雀無全目漢虜方未
和邊城屢翻覆留我一白
羽將以分虎竹
魯客事楚王懷金襲丹素
旣荷主人恩又蒙令
尹顧日晏罷朝歸輿馬塞
衢路宗黨生光華賓
僕遠傾慕富貴人所欲道
得亦何懼南國有儒
生迷方獨淪誤伐木清江
湄設置守兔

十五諷詩書篇翰靡不通弱冠參多士飛步遊
秦宮側覩君子論預見古人風兩說窮舌端五
車摧筆鋒羞當白壁貶耻受聊城功晚節從世
務乘障遠和我解佩襲犀渠卷袞奉盧弓始願
力不及安知今所終

學劉公幹體

鮑明遠

胡風吹朔雪千里度龍山集君瑤臺裏飛舞兩
楹前茲辰自爲美當避豔陽年豔陽桃李節皎
潔不成研

代君子有所思

西出登雀臺東下望雲闕層閣肅天居馳道直
如髮繡薨結飛霞琰題納行月築山擬蓬壺穿
池類溟渤選色遍齊代徵聲市邛越陳鍾陪夕
讌笙歌待明發年貌不可還身意會疊歇蟻壤
漏山阿絲淚毀金骨器惡含滿歎物忌厚生沒
智哉衆多士服理辨昭昧

傲古

范彥龍

寒沙四面平飛雪千里驚風斷陰山樹霧失交

河城朝驅左賢陣夜薄休屠營昔事前軍幕今
逐嫖姚兵失道刑既重遲留法未輕所賴今天
子漢道日休明

雜體詩三十首

并序

江文通

夫楚謠漢風既非一骨魏製晉造固亦二體譬
猶藍未成彩雜錯之變無窮宮商爲音靡曼之
態不極故蛾眉詎同貌而俱動於鬼芳草寧共
氣而皆悅於魂不其然歟至於世之諸賢各滯
所迷莫不論其而思辛好丹而非素豈所謂通

方廣恕好遠兼愛者哉及公幹仲宣之論家有
曲直安仁士衡之評人立矯抗况復殊於此者
乎又貴遠賤近人之常情重耳輕目俗之恒蔽
是以邳鄆託曲於李奇士季假論於嗣宗此其
效也然五言之興諒非復古但關西鄴下既已
罕同河外江南頗爲異法故玄黃經緯之辨金
碧沈浮之殊僕以爲亦合其美並善而已今作
三十首詩教其文體雖不足品藻淵流庶亦無
乖商榷云爾

古離別

遠與君別者乃至鴈門關黃雲蔽千里遊子何時還送君如昨日簷前露已團不惜蕙草晚所悲道里寒君在天一涯妾身長別離願一見顏色不異瓊樹枝兔絲及水萍所寄終不移

李都尉從軍陵

樽酒送征人踟躕在親宴日暮浮雲滋握乎淚如霰悠悠清川水嘉魴得所薦而我在萬里結髮不相見袖中有短書願寄雙飛鸞

班婕妤

詠扇

紈扇如圓月出自機中素畫作秦王女乘鸞向煙霧彩色世所重雖新不代故竊愁涼風至吹我玉階樹君子恩未畢零落在中路

魏文帝

遊宴

曹丕

置酒坐飛閣逍遙臨華池神飈自遠至左右芙蓉披綠竹夾清水秋蘭被幽崖月出照園中冠珮相追隨客從南楚來爲我吹參差淵魚猶伏浦聽者未云疲高文一何綺小儒安足爲肅肅

廣殿陰雀聲愁北林衆賓還城邑何以慰吾心

陳思王

贈友

曹植

君王禮英賢不恡千金璧雙闕指馳道朱宮羅
第宅從容冰井臺清池映華薄涼風盪芳氣碧
樹先秋落朝與佳人期日夕望青閣褰裳摘明
珠徙倚拾蕙若眷我二三子辭義麗金虬延陵
輕寶劍季布重然諾處富不忘貧有道在葵藿

劉文學

感遇

植

蒼蒼山中桂團團霜露色霜露一何緊桂枝生

自直橘柚在南國因君爲羽翼謬蒙聖主私託
身文墨職丹彩旣已過敢不自彫飾華月照方
池列坐金殿側微臣固受賜鴻恩良未測

王侍中

懷德

粲

伊昔值世亂秣馬辭帝京旣傷蔓草別方知杖
杜情嶠函復丘墟冀闕緬縱橫倚棹汎涇渭日
暮山河清蟋蟀依桑野嚴風吹枯莖鸛鷓在幽
草客子淚已零去鄉二十載幸遭天下平賢主
降嘉賞金貂服玄纓侍宴出河曲飛蓋遊鄴城

朝露竟幾何忽如水上萍君子篤惠義柯葉終
不傾福履既所綏千載垂令名

嵇中散 惠 康

曰余不師訓潛志去世塵遠想出宏域高步超
常倫靈鳳振羽儀戢景西海濱朝食琅玕實夕
飲玉池津處順故無累養德乃入神曠哉宇宙
惠雲羅更四陳哲人貴識義大雅明庇身莊生
悟無爲老氏守其真天下皆得一名貴久相賓
咸池饗爰居鍾鼓或愁辛柳惠善直道孫登庶

知人寫懷良未遠感贈以書紳

阮步兵 詠懷 籍

青鳥海上遊鷲斯蒿下飛沈浮不相宜羽翼各
有歸飄颻可終年沈瀆安是非朝雲乘變化光
耀世所希精衛銜木石誰能測幽微

張司空 離情 華

秋月映簾櫳懸光入丹墀佳人撫鳴琴清夜守
空帷蘭徑少行迹玉臺生網絲庭樹發紅彩閨
草含碧滋延佇整綾綺萬里贈所思願垂湛露

惠信我皎日期

潘黃門述哀岳

青春速天機素秋馳白日美人歸重泉悽愴無
終畢殯宮已肅清松栢轉蕭瑟俯仰未能弭尋
念非但一撫衿悼寂寞恍然若有失明月入綺
窗髮髯想蕙質銷憂非萱草未懷寄夢寐夢寐
復冥冥何由覩爾形我慙北海術爾無帝女靈
駕言出遠山徘徊泣松銘兩絕無還雲花落豈
晉英日月方代序寢興何時平

陸平原

騷雀

機

儲后降嘉命恩紀被微身明發眷桑梓永歎懷
密親流念辭南澨銜怨別西津馳馬遵淮泗旦
夕見梁陳服義追上列矯迹厠宮臣朱黻咸髦
士長纓皆俊人契闊承華內綢繆踰歲年日暮
聊揔駕逍遙觀洛川徂沒多拱木宿草陵寒煙
遊子易感愾躑躅還自憐願言寄三鳥離思非
徒然

左記室

詠史

思

韓公淪賣藥梅生隱市門百年信在苒何用苦
心魂當學衛霍將建功在河源珪組賢君眄青
紫明主恩終軍才始達賈誼位方尊金張服貂
冕許史乘華軒王侯貴片議公卿重一言太平
多歡娛飛蓋東都門顧念張仲蔚蓬蒿滿中園

張黃門 苦雨 協

丹霞蔽陽景綠泉涌陰渚水鶴巢層甍山雲潤
柱礎有弁興春節愁霖貫秋序燮燮涼葉奪戾
戾颶風舉高談玩四時索居慕儔侶青苔日夜
黃芳蕤成宿楚歲暮百慮交無以慰延佇

劉太尉 傷亂 琨

皇晉遘陽九天下橫氛霧秦趙值薄蝕幽并逢
虎據伊余荷寵靈感激徇馳騫雖無六奇術冀
與張韓遇審戚扣角歌相公遭乃舉荀息冒險
難實以忠貞故空令日月逝愧無古人度飲馬
出城濠北望沙漠路千里何蕭條白日隱寒樹
投袂旣憤懣撫枕懷百慮功名惜未立玄髮已
改素時哉苟有會治亂惟冥數

盧郎中

感交

謀

大厦須異材，廊廟非庸器。英俊著世功，多士濟
斯位。眷顧成綢繆，迺與時髦匹。姻媾久不虛，契
闊豈但一逢厄。既已同處危，非所恤。常慕先達
槩，觀古論得失。馬服爲趙將，疆場得清謚。信陵
佩魏印，秦兵不敢出。慨無幄中策，徒慙素絲質。
羈旅去舊鄉，感遇喻琴瑟。自顧非杞梓，勉力在
無逸。更以畏友朋，濫吹乖名實。

郭弘農

遊仙

璞

崦山多靈草，海濱饒奇石。偃蹇尋青雲，隱淪駐
精魄。道人讀丹經，方士鍊玉液。朱霞入窻牖，曜
靈昭空隙。傲睨摘木芝，陵波翠水碧。眇然萬里
遊，矯掌望煙客。永得安期術，豈愁濛汜迫。

張廷尉

雜述

綽

太素既已分，吹萬著形兆。寂動苟有源，因謂殤
子天道喪，涉千載。津梁誰能了，思乘扶搖翰。卓
然陵風矯，靜觀尺棰義。理足未嘗少，罔罔秋月
明。憑軒詠堯光，浪迹無蚩妍。然後君子道，領略

歸一致南山有綺皓交臂久變化傳火乃薪草
亶亶玄思清胸中去機巧物我俱忘懷可以狎
鷗鳥

許徵君

自序

詢

張子閤內機單生蔽外像一時排冥筌冷然空
中賞遣此弱喪情資神任獨往采藥白雲隈聊
以肆所養丹葩曜芳蕤綠竹陰閑敞茗茗寄意
勝不覺陵虛上曲櫺激鮮飈石室有幽響去矣
從所欲得失非外獎至哉操斤客重明固已朗

五難既灑落超迹絕塵網

殷東陽

興攜

仲文

晨遊任所萃悠攸蘊真趣雲天亦遼亮時與賞
心遇青松挺秀萼惠色出喬樹極眺清波深緬
映石壁素瑩情無餘滓拂衣釋塵務求仁既自
我玄風豈外慕直置忘所宰蕭散得遺慮

謝僕射

遊覽泚

信矣勞物化憂矜未能整薄言遵郊衢摠轡出
臺省淒淒節序高寥寥心悟末時菊曜巖阿雲

歸一致南山有綺皓交臂久變化傳火乃薪草
甕甕玄思清胸中去機巧物我俱忘懷可以狎
鷗鳥

許徵君自序詢

張子閤內機單生蔽外像一時排冥筌冷然空
中賞遣此弱喪情資神任獨往采藥白雲隈聊
以肆所養丹葩曜芳蕤綠竹陰閑敞茗茗寄意
勝不覺陵虛上曲櫺激鮮飈石室有幽響去矣
從所欲得失非外獎至哉操斤客重明固已朗

五難旣灑落超迹絕塵網

殷東陽興瓊仲文

晨遊任所萃悠攸蘊真趣雲天亦遼亮時與賞
心遇青松挺秀萼惠色出喬樹極眺清波深緬
映石壁素瑩情無餘滓拂衣釋塵務求仁旣自
我玄風豈外慕直置忘所宰蕭散得遺慮

謝僕射遊覽泚

信矣勞物化憂矜未能整薄言遵郊衢摠轡出
臺省淒淒節序高寥寥心悟末時菊曜巖阿雲

霞冠秋嶺眷然惜良辰徘徊踐落景卷舒雖萬
緒動復歸有靜魯是迫桑榆歲暮從所秉舟壑
不可攀忘懷寄丘郢

陶徵君田居潛

種苗在東臯苗生滿阡陌雖有荷鋤倦濁酒聊
自適日暮中柴車路闇光已夕歸人望煙火稚
子候檐隙問君亦何爲百年會有役但願桑麻
成蠶月得紡績素心正如此開逕望三益

謝臨川遊山靈運

江海經遄迴山嶠備盈缺靈境信淹留賞心非
徒設平明登雲峰杳與廬霍絕碧障長周流金
潭恒澄澈桐林帶晨霞石壁映初晰乳竇旣滴
瀝丹井復寥泝崑崙轉奇秀岑峯還相蔽赤玉
隱瑤溪雲錦被沙汭夜聞猩猩啼朝見鼯鼠逝
南中氣候暖朱華凌白雪幸遊建德鄉觀奇經
禹穴身名竟誰辨圖史終磨滅且泛桂水潮映
月游海滄攝生貴處順將爲智者說

顏特進

侍宴

延之

太微凝帝宇瑤光正神縣揆日粲書史相都麗
聞見列漢構仙宮開天製寶殿桂棟留夏飈蘭
橈停冬霰青林結冥濛丹巘被葱蒨山雲備鄉
靄池卉具靈變重陽集清氛下輦降玄宴鶩望
分寰隧矚日盡都甸氣生川岳陰煙滅淮海見
中坐溢朱組步欄造瓊弁禮登佇睿情樂闋延
皇眄測恩躋踰逸汎牀惜浮賤榮重魄兼金巡
華過盈瑱敢飾輿人詠方慙綠水薦

謝法曹

贈別

惠連

昨發赤亭渚今宿浦陽汭方作雲峰異豈伊千
里別芳塵未歇席泔浹猶在袂停艫望極浦弭
棹阻風雪風雪旣經時夜永起懷思汎濫北湖
游茗亭南樓期點翰詠新賞開泰瑩所疑摘芳
愛氣馥拾蘂憐色滋色滋畏汰若人事亦銷鑠
子衿怨勿往谷風諛輕薄共秉延州信無慙仲
路諾靈芝望三秀孤筠情所託所託已殷勤抵
足攬懷人今行嶧嶮外銜思至海濱覲子杏未
儻款睇在何辰雜珮雖可贈疏華竟無陳無陳

心怡勞旅人豈遊遨幸及風雪霽青春滿江臯
解纜候前侶還望方鬱陶煙景若離遠未響寄
瓊瑤

王徵君

養疾

徵

竊藹瀟湘空翠礪澹無滋寂歷百草晦歛吸鷗
鷄悲清陰往來遠月華散前墀鍊藥矚虛幌汎
瑟卧遙帷水碧驗未贖金膏靈詎緇北渚有帝
子蕩漾不可期悵然山中暮懷痾屬此詩

袁太尉

從駕

淑

宮廟禮哀敬粉邑道嚴玄恭潔由明祀肅駕在
祈年詔徒登季月戒鳳藻行川雲旆象漢徒宸
網擬星懸朱權麗寒渚金鉞映秋山羽衛藹流
景綵吹震沈淵辨詩測京國履籍鑑都壘萌謠
響玉律邑頌被丹絃文軫薄桂海聲教燭冰天
和惠頒上笏恩渥浹下筵幸侍觀浴後豈慕巡
河前服義方無沫展歌殊未宣

謝光祿

郊遊

莊

肅舲出郊際徒樂逗江陰翠山方藹藹青浦正

沈沈涼葉照沙嶼秋榮冒水潄風散松架險雲
鬱石道深靜默鏡縣野四睇亂曾岑氣清知鴈
引露華識媛音雲裝信解黻煙駕可辭金始整
丹泉術終覲紫芳心行光自容裔無使弱思侵

鮑參軍

戎行

昭

豪士枉尺璧宵人重恩光徇義非爲利執羈輕
去鄉孟冬郊祀月殺氣起嚴霜戎馬粟不煖軍
士冰爲漿晨上城臯坂磧礫皆羊腸寒陰籠白
日太谷晦蒼蒼息徒稅征駕倚劔臨八荒鷦鷯

不能飛玄武伏川梁鍛翮由時至感物聊自傷
豎儒守一經未足識行藏

休上人

怨別

西北秋風至楚客心悠哉日暮碧雲合佳人殊
未來露彩方泛豔月華始徘徊寶書爲君掩瑤
琴詎能開相思巫山渚悵望陽雲臺膏鑪絕沈
燎綺席生浮埃桂水日千里因之平生懷

音釋

藉籍作弦絃作西音影先飄音蟹將為謂訊作鞬鞬切插音

鞬控虎符輿作輿鞞得德冕纜世時阿作昧末驅作

萍泚髮友崖涯浦浦獲鳥郭音杖第鶴貫鷓亦二作

世俗鸞音沉胡浪映照寄寧音蒞音馳驅沒役用為

歡懽礎楚弁弁苔苔懣滿虛虧場亦鄉京喻喻

檐蟾障璋晰折汨音岳五汨若凌陵辨辨被披

氛氣欄欄瑱瑱殿而汨而泮泮起豈茗茗嶠呼嶮嶮

僇士恂一鉸無萌作樂藥默然

文選卷第三十二

梁昭明太子蕭統撰

騷上

離騷經

屈平

帝高陽之苗裔兮朕皇考曰伯庸攝提貞于孟
陬兮惟庚寅吾以降皇覽揆余于初度兮肇錫
余以嘉名名余曰正則兮字余曰靈均紛吾既
有此內美兮又重之以脩能扈江離與辟芷兮
紉秋蘭以為佩汨余若將不及兮恐年歲之不

吾與朝寒阨之木蘭兮夕攬洲之宿莽日月忽
其不淹兮春與秋其代序惟草木之零落兮恐
美人之遲暮不撫壯而棄穢兮何不改其此度
也乘騏驎以馳騁兮來吾導夫先路昔三后之
純粹兮固衆芳之所在雜申椒與菌桂兮豈維
紉夫蕙蒞彼堯舜之耿介兮既遵道而得路何
桀紂之昌披兮夫唯捷徑以窘步惟黨人之偷
樂兮路幽昧以險隘豈余身之憚殃兮恐皇輿
之敗績忽奔走以先後兮及前王之踵武荃不

察余之中情兮反信讒而齊怒余固知謇謇之
爲患兮忍而不能舍也指九天以爲正兮大唯
靈脩之故也初既與余成言兮後悔遯而有佗
余既不難離別兮傷靈脩之數化余既滋蘭之
九畹兮又樹蕙之百畝畦薺普莢與揭車兮雜杜
蘅與芳芷糞枝葉之峻茂兮願埃時乎吾將刈
雖萎絕其亦何傷兮哀衆芳之蕪穢衆皆競進
以貪婪兮憑不歇乎求索羌內恕已以量人兮
各興心而嫉妬忽馳騫以追逐兮非余心之所

急老冉冉其將至今恐脩名之不立朝飲木蘭
之墜露兮夕餐秋菊之落英苟余情其信姱以
練要兮長顛頷亦何傷擗木根以結菴兮貫薛
荔之落藥矯菌桂以紉蕙兮索胡繩之纒纒寒
吾法夫前脩兮非時俗之所服雖不周於今之
人兮願依彭咸之遺則長太息以掩涕兮哀人
生之多艱余雖好脩姱以鞿羈兮蹇朝諝而夕
替既替余以蕙纒兮又申之以攬茝亦余心之
所善兮雖九死其猶未悔怨靈脩之浩蕩兮終

不察夫人心衆女嫉余之蛾眉兮謠詠謂余以
善淫固時俗之工巧兮偁規矩而改錯背繩墨
以追曲兮競周容以爲度忤鬱悒余侘傺兮吾
獨窮困乎此時也寧溘死以流亡兮余不忍爲
此態也鷙鳥之不群兮自前代而固然何方圓
之能周兮夫孰異道而相安屈心而抑志兮忍
尤而攘詬伏清白以死直兮固前聖之所厚悔
相道之不察延佇乎吾將反廻朕車以復路兮
及行迷之未遠步余馬於蘭皋兮馳椒丘且馬

止息進不入以離尤兮退將復脩吾初服制芟
荷以爲衣兮集芙蓉以爲裳不吾知其亦已兮
苟余情其信芳高余冠之岌岌兮長余佩之陸
離芳與澤其雜糅兮唯昭質其猶未虧忽又顧
以游目兮將往觀乎四荒佩繽紛其繁飾兮芳
菲菲其彌章人生各有所樂兮余獨好修以爲
常雖體解吾猶未變兮豈余心之可懲女嬃之
嬋媛兮申申其詈予曰鮀婞直以亡身兮終然
天乎羽之野汝何博謇而好修兮紛獨有此姱

節菴葦施以盈室兮判獨離而不服衆不可戶
說兮孰云察余之中情世並舉而好朋兮天何
弇獨而不予聽依前聖之節中兮喟憑心而歷
茲濟沅湘以南征兮就中華而陳詞啓九辯與
九歌兮夏康娛以自縱不顧難以圖後兮五子
用失乎家巷羿淫遊以佚田兮又好射夫封狐
固亂流其鮮終兮浞又貪夫厥家澆身被服疆
圉兮縱欲而不忍日康娛而自忘兮厥首用夫
顛隕夏桀之常違兮乃遂焉而逢殃后辛之菹

醢兮殷宗用而不長湯禹嚴而祇敬兮周論道
而莫差舉賢而授能兮脩繩墨而不頗皇天無
私阿兮覽人德焉錯輔夫維聖哲以茂行兮苟
得用此下土瞻前而顧後兮相觀人之計極夫
孰非義而可用兮孰非善而可服附余身而危
死兮覽余初其猶未悔不量鑿而正枘兮固前
脩以迺醢曾歔歔余鬱悒兮哀朕時之不當攬
茹蕙以掩涕兮露余襟之浪浪跪敷衽以陳辭
兮耿吾旣得此中正駟玉虬以乘鸞兮溘埃風

余上征朝發朝於蒼梧兮夕余至乎縣圃欲少
留此靈璫兮日忽忽其將暮吾令羲和弭節兮
望崦嵫而勿迫路漫漫其脩遠兮吾將上下而
求索飲余馬於咸池兮搃余轡乎扶桑折若木
以拂日兮聊須臾以相羊前望舒使先驅兮後
飛廉使奔屬鸞皇爲余先戒兮雷師告余以未
具吾令鳳皇飛騰兮又繼之以日夜飄風屯其
相離兮帥雲霓而來御紛紛總總其離合兮班陸
離其上下吾令帝閭開闔兮倚閭闔而望予時

暖曖其將罷兮結幽蘭而延佇世溷濁而不分
兮好蔽美而嫉妬朝吾將濟於白水兮登閭風
而縲馬忽反顧以施涕兮哀高丘之無女溘吾
遊此春宮兮折瓊枝以繼佩及榮華之未落兮
相下女之可貽吾令豐隆乘雲兮求處妃之所
在解佩纒以結言兮吾令蹇脩以爲理紛總總
其離合兮忽綿繡其難遷夕歸次於窮石兮朝
濯髮乎洧槃保厥美以驕傲兮日康娛以淫遊
雖信美而無禮兮來違弃而改求覽相觀於四

極兮周流乎天余乃下望瑤臺之偃蹇兮見有
娥之佚女吾令鳩爲媒兮鳩告余以不好雄鳩
之鳴逝兮余猶惡其佻巧心猶豫而狐疑兮欲
自適而不可鳳皇旣受詒兮恐高辛之先我欲
遠集而無所止兮聊浮遊以逍遙及少康之未
家兮晉有虞之二姚理弱而媒拙兮恐導言之
不固時溷濁而嫉賢兮好蔽美而稱惡閨中旣
以遂遠兮哲王又不寤懷朕情而不發兮余焉
能忍與此終古索瓊茅以筵筓兮命靈氛爲余

占之曰兩美其必合兮孰信脩而慕之思九州
之博大兮豈唯是其有女曰勉遠逝而無狐疑
兮孰求美而釋女何所獨無芳草兮爾何懷乎
故宇時幽昧以眩曜兮孰云察余之美惡人好
惡其不同兮惟此黨人其獨異戶服艾以盈要
兮謂幽蘭其不可佩覽察草木其猶未得兮豈
理美之能當蘇糞壤以充帟兮謂申椒其不芳
欲從靈氛之吉占兮心猶豫而狐疑巫咸將夕
降兮懷椒糈而要之百神翳其備降兮九疑續

其並迎皇剡剡其揚靈兮告余以吉故曰勉升
降以上下兮求矩矱之所同湯禹儼而求合兮
摯臯繇而能調苟中情其好脩兮何必用夫行
媒說操築於傳巖兮武丁用而不疑呂望之鼓
刀兮遭周文而得舉審戚之謳歌兮齊桓聞以
該輔及年歲之未晏兮時亦猶其未央恐鸛鳩
之先鳴兮使百草爲之不芳何瓊珮之偃蹇兮
衆夢然而蔽之爲此黨人之不亮兮恐嫉妬而
折之時續紛其變易兮又何可以淹留蘭芷變

而不芳兮荃蕙化而爲茅何昔日之芳草兮今
直爲此蕭艾也豈其有他故兮莫好修之害也
余以蘭爲可恃兮羌無實而容長委厥美以從
俗兮苟得引乎衆芳椒專佞以慢諂兮椒又欲
充其佩帟旣于進而務入兮又何芳之能祗固
時俗之從流兮又孰能無變化覽椒蘭其若茲
兮又况揭車與江離惟茲佩之可貴兮委厥美
而歷茲芳菲而難虧兮芬至今猶未沫和調度
以自娛兮聊浮游而求女及余飾之方壯兮周

流觀乎上下靈氣旣告余以吉占兮歷吉日乎
吾將行折瓊枝以爲羞兮精瓊靡以爲糧爲余
駕飛龍兮雜瑤象以爲車何離心之可同兮吾
將遠逝以自疏遭吾道夫崑崙兮路脩遠以周
流揚志雲霓之晻藹兮鳴玉鸞之啾啾朝發軔
於天津兮夕余至乎西極鳳皇翼其承旂兮高
翱翔之翼翼忽吾行此流沙兮遵赤水而容與
麾蛟龍使梁津兮詔西皇使涉予路脩遠以多
艱兮騰衆車使徑待路不周以左轉兮拍西海

以爲期屯余車其千乘兮齊玉軼而並馳駕八
龍之婉婉兮載雲旗之委移抑志而弭節兮神
高馳之邈邈奏九歌而舞韶兮聊假日以媮樂
陟升皇之赫戲兮忽臨睨夫舊鄉僕夫悲余馬
懷兮蜷局顧而不行亂曰已矣哉國無人莫我
知兮又何懷乎故都旣莫足與爲美政兮吾將
從彭咸之所居

九歌四首

東皇太一

吉日兮辰良穆將愉兮上皇撫長劍兮玉珥璆
鏘鳴兮琳琅瑤席兮玉瑱盍將把兮瓊芳蕙肴
蒸兮蘭藉奠桂酒兮椒漿揚枹兮拊鼓疏緩節
兮安歌陳竽瑟兮浩倡靈偃蹇兮姣服芳菲菲
兮滿堂五音紛兮繁會君欣欣兮樂康

雲中君

浴蘭湯兮沐芳華采衣兮若英靈連蜷兮旣雷
爛昭昭兮未央蹇將憺兮壽宮與日月兮齊光
龍駕兮帝服聊翱游兮周章靈皇皇兮旣降焱

遠舉兮雲中覽冀州兮有餘橫四海兮馬窮思
夫君兮太息極勞心兮懞懞

湘君

君不行兮夷猶蹇誰留兮中洲美要眇兮宜脩
沛吾乘兮桂舟令沅湘兮無波使江水兮安流
望夫君兮歸來吹參差兮誰思駕飛龍兮北征
道吾道兮洞庭薜荔拍兮蕙綢承荃橈兮蘭旌
望涔陽兮極浦橫大江兮揚靈揚靈兮未極女
嬋媛兮爲余太息橫流涕兮潺湲隱思君兮惝

側桂櫂兮蘭拽斲冰兮積雪采薜荔兮水中搴
芙蓉兮木末心不同兮媒勞思不甚兮輕絕石
瀨兮淺淺飛龍兮翩翩交不忠兮怨長期不信
兮告余以不閒朝騁騫兮江臯夕弭節兮北渚
鳥次兮屋上水周兮堂下捐余玦兮江中遺余
珮兮澧浦采芳洲兮杜若將以遺兮下女時不
可兮再得聊逍遙兮容與

湘夫人

帝子降兮北渚目眇眇兮愁予嫋嫋兮秋風洞

庭波兮水葉下登白蘋兮騁望與佳期兮夕張
鳥萃兮蘋中習何爲兮木上沅有芷兮澧有蘭
思公子兮未敢言慌忽兮遠望觀流水兮潺湲
麋何爲兮庭中蛟何爲兮水裔朝馳余馬兮江
臯夕濟兮西瀛聞佳人兮召予將騰駕兮偕逝
築室兮水中葺之兮以荷蓋荃壁兮紫壇播芳
椒兮成堂桂棟兮蘭橈辛夷楣兮葍房罔薜荔
兮爲帷擗蕙楊兮旣張白玉兮爲鎮䟽石蘭以
爲芳芷葺兮荷屋繚之兮杜蘅合百草兮實庭

建芳馨兮廡門九疑續兮並迎靈之來兮如雲
捐余袂兮江中遺余楫兮澧浦塞汀洲兮杜若
將以遺兮遠者時不可兮驟得聊逍遙兮容與

文選卷第三十二

音釋

陬子侯覽鑿作扈字戶紐作紐汨筆于毗毗攬作攬乘作乘策作策紐作紐

菴昌改切耿古迥切窳求殞晚音晚萑夷揭作揭峻後作峻婪含力興與

媵瓜苦頤呼感頤呼感擗作擗纒所綺寒作寒時作時人作人媵瓜苦

鞮居衣纒羊思人作人詠角丁以之作倘百錯倉故屯屯佗加

倅且例溘合苦代作代詬呼候糅又女可作可嬰須詈作詈舫作舫鮒作鮒

倅胡到亡作亡旌作旌蹇作蹇菴綠菴移浞任澆五嚴儼脩循

人作人錯七故阡而簷而欽許欽許攬作攬茹如鷺鳥

溘合苦朝刃璪先崦於岷茲須史余我霓電御

迂音罷作疲音溺音閼力綫列纒音繡音洧委槃作娥

嵩佚逸 佻挑 詒移 集進作時世作索塞 筵廷 尊專 時

作人民作好惡去聲要腰瑤池帟暉精音剡琰矍岳

皐作咎其作駟弟鳩桂夢愛引列作詎怕檄殺帟憚

靡糜 糒張 翼紛軟大婉晚 戲乎 睨五蜷推愉逾

珥餌 瑱鎮 藉借 枹浮 蜷推憺徒焱標懔懔作忡

眇妙沛賴歸未遭檀薜譬荔麗承采荃荃橈拈

涔岑 媛爰 潺讒浚還啡裴 拽柁斲作淺戕余我

玦次 澧禮 嬗鴛頰煩張去芷止慌荒 為作葺緝

荃荃楣眉 葍約 擗普榜弥繚了 迎去襟襟

文選卷第三十三

梁昭明太子蕭統撰

騷下

九歌二首

屈平

秋蘭兮麋蕪維生兮堂下綠葉兮素華芳菲菲
兮襲予夫人自有兮美子蓀何以兮愁苦秋蘭
兮青青綠葉兮紫莖蒲室兮美人忽獨與余兮
目成入不言兮出不辭乘回風兮載雲旗悲莫
悲兮生別離樂莫樂兮新相知荷衣兮蕙帶條

而來兮忽而逝夕宿兮帝郊君誰須兮雲之際
與汝游兮九河衝飈起兮水揚波與汝沐兮咸
池晞汝髮兮陽之阿望美人兮未來臨風悅兮
浩歌孔蓋兮翠旌登九天兮撫彗星竦長劍兮
擁幼艾荃獨宜兮爲民正

少司命

若有人兮山之阿被薜荔兮帶女蘿旣含睇兮
又宜笑子慕予兮善窈窕乘赤豹兮從文狸辛
夷車兮結桂旗披石蘭兮帶杜衡折芳馨兮遺

所思余處幽篁兮終不見天路險難兮獨後來
表獨立兮山之上雲容容兮而在下杳杳冥冥
兮羌晝晦東風飄兮神靈兩留靈修兮愴忘歸
歲旣晏兮孰華予采三秀兮於山間石磊磊兮
蒼蔓蔓怨公子兮悵忘歸君思我兮不得聞山
中人兮芳杜若飲石泉兮蔭松柏君思我兮然
疑作雷填填兮雨冥冥猗猗兮狁夜鳴風颯
颯兮木蕭蕭思公子兮徒離憂

右山鬼

九章

屈平

余幼好此奇服兮年既老而不衰帶長鋏之陸
離兮冠切雲之崔嵬被明月兮佩寶璐世溷濁
而莫余知兮吾方高馳而不顧駕青虬兮驂白
螭吾與重華游兮瑤之圃登崑崙兮食玉英與
大地兮比壽與日月兮齊光哀南夷之莫吾知
兮旦余濟乎江湘乘鄂渚而反顧兮歛秋冬之
緒風步余馬兮山臯低余車兮方林乘舸船余
上沅兮齊吳榜以擊汰船容與而不進兮淹回

水而疑滯朝發枉渚兮夕宿辰陽苟余其端直
兮雖僻遠之何傷入溱浦余值徊兮迷不知吾
之所如深林杳以冥冥兮乃援猨之所居山峻
高以蔽日兮下幽晦以多雨霰雪紛其無垠兮
雲霏霏而承宇哀吾生之無樂兮幽獨處乎山
中吾不能變心而從俗兮固將愁苦而終窮接
輿髡首兮桑扈羸行忠不必用兮賢不必以伍
子逢殃兮比干殖醢與前世而皆然兮吾又何
怨乎今之人余將董道而不豫兮固將重昏而

終身

右涉江

卜居

屈平

屈平既放三年不得復見竭智盡忠蔽彰於纒
心煩意亂不知所從乃往見太卜鄭詹尹曰余
有所疑願因先生決之詹尹乃端策拂龜曰君
將何以教之屈原曰吾寧悃悃款款朴以忠乎
將送往勞來斯無窮乎寧誅鋤草茅以力耕乎
將遊大人以成名乎寧正言不諱以危身乎將
從俗富貴以媮生乎寧超然高舉以保貞乎將

呶些言慄斯啞咿嚙呢以事婦人乎寧廉絜正直
以自清乎將突梯滑稽如脂如膏以絜搢乎寧
昂昂若千里之駒乎將汜汜若水中之鳧乎與
波上下偷以全吾軀乎寧與騏驥抗軼乎將隨
駑馬之迹乎寧與黃鵠比翼乎將與鷄鶩爭食
乎此孰吉孰凶何去何從世溷濁而不清蟬翼
爲重千鈞爲輕黃鍾毀棄瓦釜雷鳴讒人高張
賢士無名于嗟嘿嘿兮誰知吾之廉貞詹尹乃
釋策而謝曰夫尺有所短寸有所長物有所不

足智有所不明數有所不逮神有所不通用君
之心行君之意龜策誠不能知此事

漁父

屈平

屈原既放遊於江潭行吟澤畔顏色憔悴形容
枯槁漁父見而問之曰子非三閭大夫與何故
至於斯屈原曰世人皆濁我獨清衆人皆醉我
獨醒是以見放漁父曰聖人不疑滯於萬物而
能與世推移世皆濁何不溷其泥而揚其波衆
人皆醉何不鋪其糟而歠其醪何故深思高舉

自今放爲屈原曰吾聞之新沐者必彈冠新浴
者必振衣安能以身之察察受物之汶汶者乎
寧赴湘流葬於江魚腹中安能以皓皓之白蒙
世俗之塵埃乎漁父莞尔而笑鼓枻而去乃歌
曰滄浪之水清兮可以濯我纓滄浪之水濁兮
可以濯我足遂去不復與言

九辯五首

宋玉

悲哉秋之爲氣也蕭瑟兮草木搖落而變衰僚
慄兮若在遠行登山臨水兮送將歸沈寥兮天

高而氣清寂寥兮收潦而水清憺悽增郁兮薄
寒之中人愴怳懨恨兮去故而就新坎壈兮貧
士失職而志不平廓落兮羈旅而無友生惆悵
兮而私自憐燕翩翩其辭歸兮蟬寂寞而無聲
鴈嗷嗷而南游兮鷓鴣啁哳而悲鳴獨申旦而
不寐兮哀蟋蟀之宵征時疊疊而過中兮蹇淹
留而無成

悲憂窮蹙兮獨處廓有美一人兮心不釋去鄉
離家兮來遠客超逍遙兮今焉薄專思君兮不
可化君不知兮可柰何蓄怨兮積思心煩懣兮
忘食事願一見兮道余意君之心兮與余異車
駕兮謁而歸不得見兮心悲倚結軫兮太息涕
潺湲兮霑軾慷慨絕兮不得中替亂兮迷惑私
自憐兮何極心忤忤兮諒直
皇天平分四時兮竊獨悲此凜秋白露既下降
百草兮奄離披此梧楸去白日之昭昭兮襲長
夜之悠悠離芳藹之方壯兮余委約而悲愁秋
既先戒以白露兮冬又申之以嚴霜收恢台之

孟夏兮然坎條而沈藏葉菸邑而無色兮枝煩
拏而交橫顏淫溢而將罷兮柯彷彿而委黃前
櫛慘之可哀兮形銷鑠而瘵傷惟其紛糅而將
落兮恨其失時而無當覽駢轡而下節兮聊道
遙以相羊歲忽忽而適盡兮恐余壽之弗將悼
余生之不時兮逢此世之狂攘澹容與而獨倚
兮蟋蟀鳴此西堂心怵惕而震盪兮何所憂之
多方仰明月而太息兮步列星而極明
竊悲夫蕙華之曾敷兮紛旖旎乎都房何曾華

之無實兮從風雨而飛颺以爲君獨服此蕙兮
嗟無以異於衆芳閔奇思之不通兮將去君而
高翔心閔憐之慘悽兮願一見而有明重無怨
而生離兮中結軫而增傷豈不鬱陶而思君兮
君之門以九重猛犬狺狺而迎吠兮關梁閉而
不通皇天淫溢而秋霖兮后土何時兮得乾塊
獨守此無澤兮仰浮雲而求歎何時俗之工巧
兮背繩墨而改錯却騏驥而不乘兮策駑駘而
取路當世豈無騏驥兮誠莫之能善御見執轡

者非其人兮故駒跳而遠去鳧鴈皆喙夫梁藻
兮鳳愈飄翔而高舉園鑿而方枘兮吾固知其
鉏鋸而難入衆鳥皆有所登棲兮鳳獨遑遑而
無所集願銜枚而無言兮常被君之溼洽太公
九十乃顯榮兮誠未遇其匹合謂騏驥兮安歸
謂鳳皇兮安棲變古易俗兮世衰今之相者兮
舉肥騏驥伏匿而不見兮鳳皇高飛而不下鳥
獸猶知懷德兮何云賢士之不處驥不驟進而
求服兮鳳亦不貪餽而妄食君棄遠而不察兮

棄遠而不察兮雖願忠其焉得欲寂寞而絕端
兮竊不敢忘初之厚德獨悲愁其傷人兮馮鬱
鬱其何極

招魂

宋玉

朕幼清以廉潔兮身服義而未沫主此盛德兮
牽於俗而蕪穢上無所考此盛德兮長離殃而
愁苦帝告巫陽曰有人在下我欲輔之魂魄離
散汝筮予之巫陽對曰掌夢上帝其命難去從
若必筮予之恐後謝之不能復用巫陽焉乃下

招曰魂兮來歸去君之恒幹何爲兮四方此舍
君之樂處而離彼不祥些魂兮歸來東方不可
以託些長人千仞唯魂是索些十日代出流金
鑠石些彼皆習之魂往必釋些歸來歸來不可
以託些魂兮歸來南方不可以止些雕題墨齒
得人肉以祀以其骨爲醢些蝮蛇秦秦封狐千
里些雄虺九首往來倏忽吞人以益其心些歸
來歸來不可久淫些魂兮歸來西方之害流沙
千里些旋入雷泉靡散而不可止些幸而得脫

其外曠宇些赤蟻若象玄蠡若壺些五穀不生
叢菅是食些其土爛人求水無所得些彷徨無
所倚廣大無所極些歸來歸來恐自遺賊些魂
兮歸來北方不可以止些增冰峨峨飛雪千里
些歸來歸來不可以久些魂兮歸來君無上天
些虎豹九關啄害下人些一夫九首拔木九千
些豺狼從目往來佻佻些懸人以嬉投之深淵
些致命於帝然後得瞑些歸來歸來往恐危身
些魂兮歸來君無下此幽都些土伯九約其角

鬢鬢此敦朕血拇逐人駉駉此參白虎首其身
若牛此此皆甘人歸來歸來恐自遺災此魂兮
歸來入脩門此工祝招君背行先此秦篝齊縷
鄭繇絡此招具該備求嘯呼此魂兮歸來反故
居些天地四方多賊姦此像設君室靜間安些
高堂邃宇檻層軒此層臺累榭臨高山些網戶
朱綴刻方連些冬有突夏夏室寒些川谷徑復
流潺湲些光風轉蕙汎崇蘭些經堂入奧朱塵
鋌些砥室翠翹結曲瓊此翡翠珠被爛齊光些

弱阿拂壁羅幃張此纂組綺縞結奇璜此室中
之觀多珍恠此蘭膏明燭華容備些二八侍宿
射遞代些九侯淑女多迅衆些盛鬢不同制實
滿宮些容態好比順彌代些弱顏固植塞其有
意些姱容脩態絙洞房些蛾眉曼睩目騰光些
靡顏膩理遺視縣些離榭脩幕侍君之間些翡
帷翠幃飾高堂些紅壁沙版玄玉之梁些仰觀
刻桷畫龍蛇些坐堂伏檻臨曲池些芙蓉始發
雜芰荷些紫莖屏風文綠波些文異豹飾侍陂

阨些軒輶既低步騎羅些蘭薄戶樹瓊木籬些
魂兮歸來何遠爲些室家遂宗食多方些稻粢
穞麥秭黃粱些大苦鹹酸辛甘行些肥牛之臄
臠苦芳些和酸若苦陳吳羹些濡鼈炮羔有柘
漿些鵠酸鴛鳧煎鴻鶻些露鷄臠醬厲而不爽
些柜救蜜餌有餒餽些瑤漿蜜勺實羽觴些挫
糟凍飲酎清涼些華酌既陳有瓊漿些歸來歸
來反故室敬而無妨些肴羞未通女樂羅些陳
鍾按鼓造新歌些涉江採菱發揚荷些美人既

醉朱顏醜些嫉光眇視目曾波些被文服織麗
而不奇些長髮曼鬢醯陸離些二八齊容起鄭
舞些衽若交竿撫案下些竽瑟狂會損鳴鼓些
宮庭震驚發激楚些吳歛蔡謳奏大呂些士女
雜坐亂而不分些放陳組纓班其相紛些鄭衛
妖玩來雜陳些激楚之結獨秀先些葦蔽象棊
有六籀些分曹並進適相迫些成梟而牟呼五
百些晉制犀比費白日些鏗鍾搥虞揆梓瑟些
娛酒不廢沈日夜些蘭膏明燭華鐙錯些結撰

至思蘭芳假些人有所極同心賦些耐飲既盡
歡樂先故些魂兮歸來反故居些亂曰

獻歲發春兮汨吾南征些葉頰齊葉兮白芷生
些路貫廬江兮左長薄倚沼畦瀛兮遙望博青
驪結駟兮齊千乘懸火延起兮玄顏烝步及驟
處兮誘騁先抑驚若通兮引車右還與王趨夢
兮課後先君王親發兮憚青兕朱明承夜兮時
不可淹臯蘭被徑兮斯路漸湛湛江水兮上有
楓目極千里兮傷春心魂兮歸來哀江南

招隱士

劉安

桂樹叢生兮山之幽偃蹇連卷兮枝相繚山氣
隴從兮石嵯峨谿谷靳巖兮水增波猿狖群嘯
兮虎豹嗥攀援桂枝兮聊淹留王孫遊兮不歸
春草生兮萋萋歲暮兮不自聊蟋蟀鳴兮啾啾
塊兮軋山曲岬心淹留兮洞荒忽罔兮沕僚兮
慄虎豹岵叢薄深林兮人上慄嶽崦嵒礧兮硯
魄礧礧樹輪相紕兮林木芟胤青莎雜樹兮頰
草霍靡白鹿齧霞兮或騰或倚狀貌崦崦兮峨

峨淒淒兮澁澁彌猴兮熊羆慕類兮以悲攀援
桂枝兮聊淹留虎豹闔兮熊羆咆禽獸駭兮亡
其曹王孫兮歸來山中兮不可以久留

文選卷第三十三 終

音釋

下下讀欵哀瘵疾狂狂旖倚旄旄信信銀銀唳唳此此

雙雙蠟蠟救救女女醜醜搨搨田田飲飲俞俞崑崑籀籀博博假假

霍霍髓髓

